

庶行藏先宜揀日棟時利方而吉況今國家
詔命使主新臨公署興修葺之功使宅動廣
深之後莫非振鑿煥赫重新九宜難測於凶
方人物恐生於災患舉家懷慮戶主知修依
道門謝過之科醮設五方土德伏惟五方五
帝十二時辰土府城隍宅神禁忌納闔宅之
醮席領齊主之虔祈興祐家宅克昌盛族蟻
蟻結秀倉箱寶盈宅宇功成裝修事遂惟神
懼喜仰荷靈恩再拜

次第三獻上香上茶上酒

謹重上啓

天父地母五土尊神闔座眾聖及諸靈位
謹為弟子醮設百神祇謝五帝盡賜威光聽
茲關陳許從謝過領納醮禮鑒映蘋蘩祐助
闔家益昌人口門庭受福戶牖歡心願從今
醮之後五帝順行之化四神和敘之恩八卦
興八節之康九宮降九天之慶太歲正當生
之道太陰滋祿授於人將軍專鎮化之權月
將致福祥之任青龍白虎振威武於宅門朱
雀北玄耀文章於戶牖玉堂金匱天德明堂

長招富貴之人永保門庭之祿今則四向懸
於寶鏡五方立於星刀照十二位之正神辟
二八方之凶鬼五色繒綵質命五龍五般錢
財獻陳五帝莫斯醮禮以謝百神伏惟闔座
尊神特垂鑒祐依方鎮守永致吉祥禍去福
歸災消善集利康人物興盛家門在官者祿
受昇榮在私者所求皆得福星進照積累福
消宅舍光明戶庭肅睦綠窻繡戶四時之喜
氣長盈香閣華堂八節之嘉聲益振然後動
鑿興工四向無災眷屬一門以時康泰瘟災
不起風火無虞倉庫資財無諸耗散謝冥真
於今夕留福祚於此時所獻錢財謹具燒化
及弟子再拜奉送

靈寶半景齋儀終

神功妙濟真君禮文

法事如式

化二

伏聞神仙可格貴在精誠齋戒既莊自然獲
福幸大道潛落於故里而下民賴庇於微生
恭惟

九洲都仙太史高明大使至道玄應神功妙
濟真君心融妙道躬握元圖素精天文律呂
之書洞達元真陰陽之理除妖蕩孽而保安
家國書符施藥而起死迴骸棄弓折矢悟傷
生點石化金憂返本不習感人之幻術務存
濟物之慈心魏魏盛德天可齊瞻瞻厥功言
莫盡以今某虔依仙格謹運精誠藝發醮之
龍涎迓翩翻之鶴駕伏願神功特達聖化須
臾步彩霧戴朱旂暫別西山之勝境乘清風
來白屋監觀北面之投誠眾等皈依志心讚
禮

舉淨明普寶天尊

志心歸命禮天寶靈寶神寶玉清上清太清
一系流形三尊應世舍光默默不言而令行
四時指色空空無為而化生三景和大羅天

上金闕宮中虛無自然三清三境天尊

志心歸命禮渺渺紫金闕魏魏碧玉宮紫

微七政之星作皇派一朝之主三華鬱秀五

緯凝精運造化機植生殺柄和大羅天上金

闕宮中昊天至尊金闕四上帝

志心歸命禮沖和素稟淑行至全不求開達

而勝迹藉光粉積功勳而存心養性普產嬰

兒而佐世果符仙嗣之挺生至聖至靈克岐

克嶽和仙父中徽仙官仙母符瑞元君高上

玉真天尊

志心歸命禮鐵柱延真福地玉隆騰勝洞天

有東晉之仙君顯南昌之故郡金鳳階珠而

吐瑞赤鳥寄質以呈祥令德化民出群拔萃

和九天仙主萬法宗師至道玄應神功妙濟

真君

西山福地通境 督府延真道德官

玉隆紀號宋朝頌 鐵柱斬妖洪都福

果識物華天寶語 更符人傑地靈言

聰明睿智冠群倫 民到于今受其賜

謹按修真第一戒云不得陰盜潛謀害物利

已切念某多生以來曾犯此戒今禮真君求
哀懺悔

臣等自從無量劫 潛謀陰賊害於人

以今運誠悉歸依 朝禮真君求懺悔

志心歸命禮訓留八寶名錄九州志孝廉謹

以示人寬裕容忍而接物美教化而移風俗

玄之又玄垂憲言以正人倫道非常道和九

天仙主萬法宗師至道玄應神功妙濟真君

八寶訓留彰教化 懦夫立志薄夫教

移風易俗厚人倫 且古從今遵聖教

玄之又玄何可擬 道非常道更難名

瑞如麗日耀中天 澤被萬方咸拱仰

謹按仙科第二戒云不得殺害眾生以充滋

味切念某多生以來曾犯此戒今禮真君求

哀懺悔

臣等自從無量劫 犯於殺戮虐眾生

以今運誠悉歸依 朝禮真君求懺悔

志心歸命禮沉符水濟標竹江濱救下民疾

苦之愛助上帝好生之德無一夫不被其化

使萬物常以如春病者自瘳夭者使壽和九

天仙主萬法宗師至道玄應神功妙濟真君

哀憫群氓多疾苦 沉符標竹向江濱

助施上帝好生心 務救下民多厄難

貴使萬方皆被化 毋令一物不常春

天者壽而病者瘳 咸處無為清靜地

謹按仙科第三戒云不得淫邪敗具穢慢靈

恣切念某多生以來曾犯此戒今禮真仙求

哀懺悔

臣等自從無量劫 淫邪穢濁敗具元

以今運誠悉歸依 朝禮真君求懺悔

志心歸命禮官居令尹職署旌陽值歲饑而

民不聊生供天租而計從何出撥錢安得俾

治國以服勤瘞金令鋤將貨粟而轉納和九

天仙主萬法宗師至道玄應神功妙濟真君

官居令尹旌旌縣 不忍人心自樂推

適逢歲旱敢違安 每慮天租何所出

民不料生高有粟 瘞金向土役鋤園

今其獲寶貨諸人 應物自期來送納

謹按仙科第四戒云不得欺人成功離交折

親切念某多生以來曾犯此戒今禮真仙求

哀懺悔

臣等自從無量劫 敗人成功折離親

以今運誠悉歸依 朝禮真君求懺悔

志心歸命禮掛冠赤縣訪跡丹陽厭名利以

汨人傳道術而濟世師投諸母乃製錦以通

誠教授明王即祭壇而度法和九天仙主萬

法宗師至道玄應神功妙濟真君

赤縣掛冠應不仕 故傳道法濟斯民

師投諸母錦通誠 教授明王言預譜

寶誥金丹併妙訣 銅符鐵券暨靈文

○ 大阿三尺併親承 誓斷妖邪無唯類

謹按仙科第五戒云不得說毀賢良露才揚

已伏念某多生以來曾犯此戒今禮真君求

哀懺悔

臣等自從無量劫 露才揚已毀賢良

以今運誠悉歸依 朝禮真君求懺悔

志心歸命禮班高太史位冠都仙皆云三千

行之積來孰識七百年之修鍊是宜玉帝擢

入金門密運樞機同扶造化 和九天仙主萬

法宗師至道玄應神功妙濟真君

七百年修妙行 全家拔宅上三天

玉皇飛詔賜都仙 金闕宣恩兼大使

幹運樞機承密旨 權行造化轉陰陽

保家安國利無窮 草木昆蟲咸鼓舞

謹按仙科第六戒云不得飲酒過多食葷違

禁伏念某多生以來曾犯此戒今禮真君求

哀懺悔

臣等自從無量劫 食葷飲酒戒常違

以今運誠悉歸依 朝禮真君求懺悔

志心歸命禮神功莫測聖化無窮剪紙作牛

驅除水孽化炭為婦歷試門人呼龍挾舫過

金陵擒蛟釘丁懸石壁和九天仙主萬法宗

師至道玄應神功妙濟真君

廣大神通難比喻 億千變化更無窮

化炭為婦還門人 剪紙作牛驅水孽

以鐵釘蛟懸石壁 召龍挾舫過金陵

舟人駭遇獲長生 亦使紫霄峯愈威

謹按仙科第七戒云不得貪求無厭積財不

施伏念某多生以來曾犯此戒今禮真君求

哀懺悔

臣等自從無量劫 饕餮鄙吝不施恩

以今運誠悉歸依 朝禮真君求懺悔

志心歸命禮真常德性妙用隨機鑄鐵柱以

鎮妖齋金祭而還主栢垂倒葉松壓瀆堤七

靖尚存八荒永賴和九天仙主萬法宗師至

道玄應神功妙濟真君

真常德性澄如水 妙用隨機疾若風

齋祭還主示其廉 鑄鐵釘蛟思弭患

松壓瀆堤猶在壁 栢垂倒葉正當庭

立斯七靖向修川 亦使官榮民益盛

○ 謹按仙科第八戒云不得交友非賢居處穢

雜伏念某多生以來曾犯此戒今禮真仙求

哀懺悔

臣等自從無量劫 居處不潔友非賢

以今運誠悉歸依 朝禮真君求懺悔

志心歸命禮祭丹幕阜淬劍梅山正巨蛇吐

氣以冲天憐群氓惜身而無地指揮兵吏探

巢穴以搜邏滿命雷霆運火風而擊伐和九

天仙主萬法宗師至道玄應神功妙濟真君

幕阜祭丹酬帝德 梅山淬劍礪英鋒

巨蛇吐毒氣冲天 百姓求哀聲動地
 嘯命雷霆驅出穴 指揮兵吏滅其蹤
 至今骸骨積成洲 端為萬民除毒害
 謹按仙科第九戒云不得 不孝不義不
 仁伏念甚多生以來曾犯此戒今禮真君求
 哀懺悔

臣等自從無量劫 不忠不孝背君親
 以今運誠悉歸依 朝禮真君求懺悔
 志心歸命禮時逢 處早仙憫生靈即飛雨
 之雲立降西山之雨 伴五穀以登康使萬國
 以歡心時和歲豐家給人足和九天仙主萬
 法宗師至道玄應神功妙濟具君

水旱凶荒雖數定 大仙多憫故鄉人
 繞闈默禱一爐香 立降穹窿三日雨
 年穀遂今臻上熟 黎元於此盡歡心
 舍舖鼓舞樂堯天 孰不謳歌真聖化
 謹按仙科第十戒云不得輕忽言笑舉動乖
 具伏念甚多生以來曾犯此戒今禮真君求
 哀懺悔
 臣等自從無量劫 言辭輕慢舉乖具

以今運誠悉皈依 朝禮真君求懺悔
 志心歸命禮仙門高弟具春華宗諸母導師
 蘭公上聖日月三官具宰風雷電五百靈
 官延真福地眾真仙大釋洞天諸主宰劔印
 玉女左右金童或執節以導前或御車而在
 後珂珮珊珊而步或旌旗閃閃以排空各生
 歡喜之心同賜護持之力普增威德共證希
 夷度諸有情證無上道

舉十方靈寶天尊
 稽首皈依無上道 玉京山上大慈尊
 臣今朝禮對真仙 身兼無邊求懺悔
 稽首皈依正具教 三十六部大乘經
 臣今朝禮對真君 口業無邊求懺悔
 稽首皈依師友眾 十方得道大神仙
 臣今朝禮對真君 意業無邊求懺悔
 稽首皈依三寶已 朝禮真君悉周圓
 臣今願共諸眾生 同證希夷無上道
 舉志心發願
 願眼常觀三界聖 願耳常聞妙法音
 願鼻常聞道德香 願口不食辛厭味

願身精進行具道 願意休養有想緣
 臣今發願大仙前 異日他時臻聖果
 發願已歸命禮無上證具三寶
 向來禮讚真君儀範悉已周圓三沐三熏曲
 畫齋莊之敬一瞻一禮必蒙感格之私俾罪
 花凋落而福果圓成致善芽增長而惡根斷
 絕今則瓊科捲軸金磬停敲響與漸返於玉
 京鶴駕將還於金闕一心奉送九章歌聲遠
 浮雲再拜致辭億萬年願依化日稽首皈依
 無極大道

調經 回向
 神功妙濟真君禮文